

Ikeletlhoko Gore o se Nne Lefufa!

Ditaelo: Direla porojeke eno mo lefelong le le didimetseng. Fa o ntse o bala ditemana, akanya o le mmogedi yo o lebileng se se diregang. Bona tiragalo ka leitlho la mogopolo. Utlwa mantswe. Ikutiwe kafa batho ba go buiwang ka bone ba ikutlwang ka gone. Dira gore pego eno e kgatlhe.

Ba go buiwang ka bone: Miriame, Arone, Moshe

Tshobokanyo: Miriame le Arone ba tlhotlhelediwa ke lefufa go ngongorega ka nnaakabone e bong Moshe.

1

AKANYA KA TIRAGALO ENO.—BALA DIPALO 12:1-15.

O akanya gore batho ba bararo ba go buiwang ka bone mo pegong eno e ne e le batho ba ba ntseng jang?

Miriame: _____

Arone: _____

Moshe: _____

O akanya gore fa Miriame le Arone ba bua mafoko a a mo go temana 2, ba ne ba bua ka lentswe le le ntseng jang?

AKANYA ka tsela e 'pilara ya leru' e neng e lebega ka yone le kafa lentswe la ga Jehofa le neng le utlwala ka gone fa a ne a kgalema Miriame le Arone. Tihalosa se o se bonang le se o se utlwang ka leitlho la mogopolo. (*Bala gape Dipalo 12:5-9.*)

O akanya gore lentswe la ga Arone le la ga Moshe le bontsha gore ba ikutlwa jang fa ba kopa gore Miriame a utlwelwe botlhoko mo go temana 11-13?

2

DIRA DIPATLISISO TSE DI OKETSEGILENG.

Mo go Miriame, Arone le Moshe, ke mang yo o neng a le monnye mo go bone? O akanya gore seno se ka tswa se ile sa ama jang tsela e Miriame le Arone ba neng ba bua le nnaakabone ka yone? (*Bala Ekesodo 2:1-4, 10; 7:7.*)

Ke eng fa Miriame le Arone ba ne ba botsa jaana: "A [Jehofa] ga a bua le ka rona?"
(Se se ka thusang: *Bala Ekesodo 15:20, 21; 28:1-3.*)

Ke eng fa Jehofa a ile a galefela Miriame le Arone thata jaana? (*Bala Dipalo 12:7, 8.*)

Ke eng se se go kgatlang ka tsela e Moshe a neng a itshwara ka yone fa a tshwaiwa diphoso ka tsela e e sa siamang?

3 DIRISA SE O SE ITHUTILENG.

Kwala se o se ithutileng ka . . .

Kotsi ya go nna lefufa.

Tsela e re tshwanetseng go itshwara ka yone fa re tshwaiwa diphoso ka tsela e e sa tshwanelang.


4 IPOTSE JAANA.

Ke eng se se ka dirang gore ke wele mo seraing sa go nna lefufa?

Nka dira jang gore ke nne bonolo ke bo ke nne lorato fa ke tshwaiwa diphoso?

Ke thuto efe mo pegong eno e e leng botlhokwa thata mo go nna, mme ka ntlha yang?

Kakantsho: Balela pego eno kwa godimo o na le ditsala kgotsa ba lelapa. Motho a le mongwe a ka kopiwa go bala karolo ya moanedi. Ba bangwe ba ka bala dikarolo tsa ga Miriame, Arone, Moshe le Jehofa.



Itseele o bo o
printe Khopi ya PDF
mo www.jw.org/tn